

Известия

ВКП(б)-лэн Удм. АССР-ысь Ярской райкомезлэн но РИК-лэн органы

Адрес: пос Яр, Удм. АССР Телефон № 43. Дуныз 5 копейка 11-тй арзэ потэ.

Обороналэн народной фондзэ

Отечественной война лэн фронт'ёсаз асьмелэн героической Красной Армии номырлэсь кышкэтэк мужественно жугиське. Родной муз'емлэн кажной ваньшез понна лек жугисько асьмелэн сталинской летчик'ёсмы, кышкасьтэм танкист'ёсмы но скулмоесь пехотинец'ёсмы.

Трос миллион'ем советской калык, одиг адыми сямен, ваньмыз жутскиз тушмонлы пумит. Фронтлэн мышказ героически но самоотверженно ужаса советской трудящийёс юртто Красной Армии фашистской полчищеосты быдтыны.

— Ваньзэ фронт понна, ваньзэ—тушмонзэ пазьгон понна! Таңе малпанэн али уло миллион'ёсын ляд'ясысь советской калык—рабочийёс, работницаос, колхозник'ёс, колхозницаос но советской интеллигенция. Кужымзэс жалатэк но дырив ляд'ясыкытэк советской адымиос асьселэн пост'ёсазы ужало. Красной Армии юрттонзэ кужмотон понна советской патриот'ёс ялам выль но выль амал'ёс, ялам выль но выль источник'ёс утчало.

Война лэн кышкыт араз вань советской калыклэн кылдиз странамылэн оборонаезлы фонд кылдытон сярысь выль идеяез. Та инициатива туж яркыт возматэ советской патриотизм лэсь ноку но кышконтэм кужымзэ. Дасо миллион'ёсын труженник'ёс откылысь государство асьсэлэсь сбережениоссэс, зарни но авзесь тирлык'ёссэс но коньдон сёт'яло.

СССР-лэн оборонаезлы фонд кылдытысь азымынйсь советской адымиослэсь инициативазэс туж пось мылдын пумитало асьме районьсь но трудящийёс. Рабочийёс, служащийёс, колхозник'ёс, домохозяйкаос—ваньмыз туртке обороналэн народной фондзэ аслэстыз взноссэ сётыны. Красной Армии эшшо но трос военной машинаосты, боеприпас'ёсты, снаряжение поттон понна соос юртто ужаса но асьсэлэсь личной средствооссэс сётыса.

Садинской сельсоветысь Лумпа колхоз Красной Ар-

милы 5 йыр самой умойёсэ вал'ёссэ сётйз. Кык вал'ёсыз понна бастэм коньдонзэ 2800 манет оборона фондэ перечислить кариз. Колхозник'ёс но колхозницаос асьсэлэсь коньдонзэс 1000 манет, 550 литр йёл, 680 курегпуз но 1255 манет тырлы облигациоссэс люкаса оборона фондэ сётйзы. Озы ик соос медной посудаосты люкаса оборона фондэ сдать каро. Асьсэ собраниязы колхозник'ёс решение кутйзы война бырытчозь толэзлы быдэ одиг нунал'ем уждунзэс оборона фондэ сётылыны.

Зюино сельсоветысь „Новая смена“ колхозысь колхозник'ёс 14-тй августэ асьсэлэн решенияз гожтызы странамылэн оборона фондзэ сётыны колхозысь 200 килограмм нянь, 100 литр йёл но со сяна колхозник'ёслэсь люказы 62 килограмм нянь, 135 курегпуз, йёл но мукет сионюэн. Куйбышев лэн нимыныз нимэм колхозысь колхозник'ёс оборона фондэ сётйзы ни 206 килограмм сйль, 5 центнер йёл, 12 килограмм ыжгон. Уканской средней школаысь дышетсьёс решить каризы оборона фондэ сётылыны толэзлы быдэ одиг нунал'ем уждунзэс. Сётйзы ни 6270 манет тырлы облигациоссэс. Красноармеецлэн кышноез Никифорова А. Ф. облигациоссэ сётйз 1355 манетлы, Огородова А. С. — 1030 манетлы, Змеев Е. В. — 1000 манетлы но Ивоинская В. Г.—700 манетлы. Со сяна дышетсьёс оборона фондэ сётё асьсэлэсь зарни но авзесь арбериоссэс.

Фашистской варвар'ёслы пумит асьмелэн движенимы нуналлы быдэ будэ но юлма. Обороналэсь фондзэ кылдытонин участвовать карон—советской патриотизмлэн дано долгез. Государстволы коньдонэн но сионюонзэ кужмо народной оборона фонд кылдытыса фашист'ёслы выль шуккет сётюм! Яратоно Красной Армиылы эшшо но трогсес сётюм пушкаос, самолет'ёс, танк'ёс!

Ваньзэ фронт понна! Ваньзэ тушмонзэс быдтон понна!

Гужем уж'ёсты жог быдэс'яломы

Колхозмылэсь бригадирзэ Трефилов эшез Удмуртской АССР-лэн Верховной Советзэ лэн Президиумезлэн почетной грамотаеныз наградить карон милям Дивьино сельсоветысь Совет колхозмылэн улоназ бадзым событиен луз и со милесытым колхозник'ёсмес но колхозницаосмес заобязывать каре азыланьын котьма ужын эшшо но умой ужаны.

Соин ик ми туз гужем уж'ёсты

котькулэсь но жог быдэс'яны кыл сётйськомы. Зег аранзэ быдэстымы ни та нунал'ёсын, етйн но яровой культураосты октон-калтонзэ быдэстомы 9 нуналскын. Государстволы нянь сдать каронзэ быдэстомы 2 нуналскын. Озы ик мукет'ёссэ но уж'ёсты туж жог но выли зечлыко быдэс'яломы,

К. ВЛАДЫКИН, колхозлэн председателзэс.

ТУШМОНЛЫ ПЕЗЬДЭТ МЕД ЛУОЗ

Бачумовской сельсоветысь Молотов эшлэн нимыныз нимам колхозысь ваньмыз мыйыз но пичез но ю октон-калтон уже потэмын. 66 арес'ем пересь Куртеева Матрена Васильевна но гуртаз тэк пукуны оз чида. Егит'ёс сямен ик со Жамырес ара. Нормаэ 0,15 гектар интые 0,19 гектарозь быдэс'я.

—Таңе дыр'я кызы гуртын пукод? Быгатэмд'я ожит ке но ужад колхозлы но государство но со ма быдча юрттат луоз!

—Мынэстым Степан мим самоед фин'ёс виизы. Нош туз Вася но Егор пийосы немецкой гад'ёсты жугыны мынйзы. Мынам но ужаме фашистской захватчик'ёслы пезьдэт мед луоз, —шуэ Матрена Васильевна.

А. Кирпикога.

Нянь сдать карыны кутскизы

Районысь куд-ог колхоз'ёс государство нынь сдать карыны кутскизы.

Укана сельсоветысь „Красный пахарь“ колхоз 1941 арлы обязательной поставка понна государство зег сдать кариз ни 114, 21 центнер, Байдалинской сельсоветысь „Ленинский путь“ колхоз—56, 03 центнер, Кычино сельсоветысь „Красный передовик“ колхоз—32,99 центнер.

1941 арлы обязательной поставка понна государство нынь сдать карон борды озы ик кутскизы ни Дизьминской сельсоветысь Кагановичлэн нимыныз нимам, Бачумовской сельсоветысь „Юпитер“ но Никольской сельсоветысь „Земледелец“ колхоз'ёс.

И. Кондратьев.



Советской патриот'ёс возмало фронтлэсь мышэс вражеской десант'ёслэсь.

Н-ской истребительной батальонын оружие сётчан, нырысь радны (бур паласен пальянэ) боец'ёс-комсомолец'ёс А. А. Петиров, В. П. Борудкин но С. С. Филиппов.



ДЕЙСТВУЮЩОЙ АРМИЯ Н-ской авиачасть фашизмен нюр'яскон фронтыв командованилэсь заданиоссэ данлыкы быдэс'я. Со частысь летчик'ёс коня ке нунал кустын воздушной бойёсын 36 немецкой самолёт'ёсты уськытызы ни.

Старшой политрук Федоров эш пумита воздушной бой бере летчик-истребителзэ Каштанов эшез, кудиз ньылэ вражеской самолёт'ёсын жугиськыса одигзэ соос пöлысь быдтйз, нош кылем'ёсыз пегэизы.

КОЛХОЗ ЛУД'ЁСЫН

Азымынйсь стахановец'ёс

Ю октон-калтон ужын ара 6 гектар. Кычино сельстахановец'ёслэн лядзы нуналлы быдэ йылэ. Колхозник'ёс но колхозницаос нуналлы тупатэм нормаоссэс ялам трослы мултэсэн быдэс'яло. Соос полысь тани самой умойёсыз:

Юр сельсоветысь „Молния“ колхозысь колхозница Поскребышева Наталья Ивановна культэ кертылон ужын нормая 0,45 гектар кертылон интые 1,30 гектар кертылэ. „Диктатура пролетариата“ колхозысь Яковлева Анися Ивановна нормая 0,40 гектар интые 0,82 гектар вылысь кертылэ.

Укана сельсоветысь „Югдон“ колхозысь аран машинаен арась Данилов Григорий Семенович нормая 4, 5 гектар интые нуналаз ара 6,50 гектар. Крупская лэн нимыныз нимам колхозысь Торопов Алексей Семенович нормая 4 гектар интые

ара 6 гектар. Кычино сельсоветысь „Виль улон“ колхозысь Дементьев Константин Захарович ара 6 гектар. Со колхозысь ик Данилов Владимир Иванович косилкаен нормая 3 гектар интые 5,74 гектар ара.

Кыин арасьёс Кычино сельсоветысь „Красный передовик“ колхозысь Барышникова Софья Ивановна но Перминова Екатерина Егоровна колхозницаос нормая 0,18 гектар интые арало 0,39 гектарозь.

Ю октон-калтон ужын стахановец'ёслэн лядзы эшшо но йлоз на. Соос ялам трос но трос ужалозы, потому что соос тодо, что война мынон дыр'я ужаны кулэ по-военному. Соослэн зеч но жог лэсьтэм ужзы, ю-вянез ыштон'ёс лэсьтытэк октэмзы-калтэмзы странамылы но Красной Армиылы бадзым юрттат луэ.

В. Попов.

Зег аранзэс быдэстызы

Укана сельсоветысь „Сизово“ колхоз 16-тй августэ зег аранзэ быдэстыз. Зег аран бордын умой ужаз аран машинаен арась Сизов Михаил Сергеевич. Нормая 3 гектар интые нуналаз со араллаз 4 гектар яке солэсь но трос.

М. Данилова,

* * *

Ворца сельсоветысь „Тат-Ворца“ колхоз зег аранзэ 17-тй августэ быдэстыз. Умой далтэм зег ыштон'ёс лэсьтытэк октэмзы-калтэмзын.

Зег аран дыр'я нормаоссэс мултэсэн быдэс'яллазы аран машинаен арасьёс Дюкин Гайфулла, Дюкин Самифул. Соос нуналлы тупатэм нормаоссэс 150 процентозь быдэс'яллазы. Дюкина Ганифа, Дюкина Фагиля но мукет'ёсыз культэ кертылон ужын нормая 0,33 гектар

интые, кертылылызы 0, 45 гектар вылысь.

„Тат-Ворца“ озы ик зэ кизёнзэ но быдэстыз ни.

С. Бабинцев.

РАЙОНЫН Ю ОКТОН-КАЛТОНЛЭН НО ЕТЙН ИШКОНЛЭН МЫНЭМЕЗ САРЫСЬ С В О Д К А (18 августлы процентэн вераса)

Сельсовет'ёс	Зег аранын	Етйн ишкын
Дизьминской	44	64
Кычинской	42	70
Байдалинской	72	66
Н-Чуринской	50	86
Бачумовской	64	78
Удинской	47	83
Уканской	57	65
Юрской	51	96
Садинской	57	64
Ворцинской	65	77
Зюинской	46	76
Никольской	55	95
Ваньмыз район'я	54	76

